

mine bräuten. so sont wir mi-
 nen die helen möt. dō d' mine
 möt ist. Als si selb sprichet.
Ich bin ain möt der raimē
 mine. **¶** **A**v sont wir sehē w^z
 wir an ir vinder ze mīnend.
 vil vident wir an ir. si ist dō
 tugentliche. **S**i vter siget mit
 ir tugend d'z obrost gōt. vnd
 die obrosten tugend. **G**ot von
 hymelriche. d'z er von ir met-
 sche wart. vñ gebar vns ai-
 nen löser. **A**lso sprichet si. von
 mir ist geflossen ain salikait
 allen den die min geret sint.
Den si gebar d' ist dō rich sā-
 likait. vñ dō gantz gōt. dar-
 umb sont wir si von reht mī-
 nen. **S**it si vns gebar alle sā-
 likait. d' och alle salikait behal-
 ten wil. **D**z ist d'z erste vnkün-
 de d'z wir ir gerent. ob wir si
 süßelich mīnent. **S**wen wir
 si liep hant. so sint wir ir ge-
 rend. **¶** **D**z and' vnkünde ist.
 ob si vns wol gevallet. war-
 an sol si vns wol gevalle. an
 allem irem lelene. won si w^z

gar wol behöt an zōhte. an
 salden. vñ an allen tugende.
 d'z si niemān vbel mag ge-
 vallen. won alles ir leben
 w^z entlöhtet mit d' ewigē
 svmen. **¶** **S**i w^z och behöt
 mit scham dō ain schloss ist
 all' tugend. vñ all' zōht. **A**ls
 von ir ist geschriben. d'z si ist
 ain zōht aller gōt' dinge.
 vñ ain sentmōtkait aller
 gōt' zōht. **S**i ist gar geblō-
 met an lebendem leben. an
 sentmōtkait all' zōht. an
 sieten vñ an geläden. vnd
 an aller tugend salikait.
 vñ da von sol si vns billich
 wol gevallen. also d'z wir
 nach ir zōhten. vnd nach
 ir tugenden bilden so wir
 maht mugēt. so erzaigent
 wir ir mit warhait. daz si
 vns wol gevallet. won ir
 wissent wol sw^z den löten
 missvaller. d'z mident si an
 in sellen. **S**it den dō salden
 riche. maria ist der blögend
 maige all' tugend. so sont

.xij.

Wir bilde ab ir